



FRidericus ex nobili familia Riffenbergiorum in Hafsia anno circiter 1515 natus, à teneris annis armorum studia dilexit, atq; inde principum castra secutus, magnam sibi in bellis authoritatem comparauit. erat enim manu strenuus, & singulari prudentia insignis. Has in eo uirtutes cum Henricus Angliæ rex intellexisset, eum magno stipendio ad se cum Germano milite pellexit, ut Gallorum conatui cōmodius resistere posset, anno 1544. Cum is in finibus Saxonix pedites conscriberet, Henricus Brunswicensis in Galli fauorem eas copias dissipare studebat. Verùm Fridericus celerius se in tutum recepit, quàm Brunswicensis superuenisset. Inde Anglo (permittente Cæsare) strenuam operam sua legione nauauit, & ut æqua tandem pax inter reges sanciretur, effecit. Cum autem postea Smalkaldicum bellum exortū esset, sese cum sua legione ijs coniunxit, & rem sibi commissam gnauiter expediuit. Erat eo tempore Maximilianus Buranus comes in Belgia, qui ad Rhenum ascendens, transire cum copijs ad Cæsarem conabatur. huic confœderati Riffenbergium opposuere. Verùm Buranus ab Archiepiscopo Moguntino adiutus, tãdem circa Moguntiam transiuit. Itaq; Riffenbergius ad Donauerdam sese Landgrauio coniunxit. huic etiam commissum, ut postremū agmen exercitus Smalkaldici, dum in itinere hostis expectaretur, tueretur. Eam prouinciam cum fortiter expediuisset, postea à Carolo uictore Augustæ proscriptus fuit 1548, præsertim cum is Protestantium religioni adhæreret. Hæc etiam causa fuit, quod postea ad tēpus Basileæ comoratus, & tandem ad regem Gallix profectus fuerit, cui etiam præclaram in re bellica contra hostem operam nauauit.